

ქალაქ ქუთაისის მუნიციპალიტეტის კულტურის, განათლების,
ახალგაზრდობის საქმეთა და სპორტის
სხდომის

ოქმი N17

19.10.2023

სხდომის ჩატარების ადგილი:
ქალაქ ქუთაისის ადგილობრივი
თვითმმართველობის შენობა.
რუსთაველის გამზირი N3

ქალაქ ქუთაისის მუნიციპალიტეტის საკრებულოს კულტურის, განათლების,
ახალგაზრდობის საქმეთა და სპორტის კომისიის N17 სხდომას თავმჯდომარეობდა
კულტურის, განათლების, ახალგაზრდობის საქმეთა და სპორტის კომისიის
თავმჯდომარე, ბატონი ბექა ქებულაძე .

ესწრებოდნენ :

საკრებულოს კულტურის, განათლების, ახალგაზრდობის საქმეთა და სპორტის
კომისიის წევრები: თეა ჯუღელი, ჯემალ ბიბილეიშვილი, მანანა ჩიხლაძე, მარეხი
ნიჟარაძე, მიხეილ გიორგაძე, ბესიკ ხამაშურიძე, ქეთევან ხურციძე.

სულ : 13 წევრიდან-8 წევრი.

არ ესწრებოდა: კახაბერ გაბუნია, ხათუნა არველაძე, თედო მესხი, ანა კოხრიძე,
ნინო ჩიკვაშვილი

სულ: 5 წევრი

სხდომის მუშაობაში ესწრებოდნენ:

ქალაქ ქუთაისის მუნიციპალიტეტის საკრებულოს თავმჯდომარე:
ირაკლი შენგელია.

ქალაქ ქუთაისის მუნიციპალიტეტის მერიის პირველადი სტრუქტურული ერთეულის
კულტურის, სპორტის, განათლებისა და ახალგაზრდობის საქმეთა სამსახურის
განყოფილებების ხელმძღვანელები და თანამშრომლები.

ახალგაზრდული მრჩეველთა საბჭოს წარმომადგენლები.

სხდომა გახსნა ქალაქ ქუთაისის მუნიციპალიტეტის საკრებულოს კულტურის,
განათლების, ახალგაზრდობის საქმეთა და სპორტის კომისიის თავმჯდომარემ,
ბატონმა ბექა ქებულაძემ: ,, მოგესალმებით მეგობრებო, დღევანდელ კულტურის,
განათლების, ახალგაზრდობის საქმეთა და სპორტის კომისიის სხდომას გახსნილად

ვაცხადებ. დღის წესრიგის მიხედვით, ვისმენთ ანგარიშს ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის განყოფილებების, 2023 წლის ბიუჯეტით გათვალისწინებული პროგრამების, შესრულების თაობაზე. გთხოვთ, კენჭი ვუყაროთ აღნიშნული დღის წესრიგის შემდეგ პროექტს:

1. ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის განყოფილებების, 2023 წლის ბიუჯეტით გათვალისწინებული პროგრამების შესრულების თაობაზე, გაწეული სამუშაოს ანგარიშის მოსმენა.

ქ-ნ ელენორა გოგოლაშვილი
კულტურის განყოფილების უფროსი

ქ-ნ ლანა სვანიძე
ახალგაზრდობის საქმეთა და სპორტის
განყოფილების უფროსი

ქ-ნ სალომე ფუტყარაძე
განათლების განყოფილების უფროსის
მოვალეობის შემსრულებელი

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარემ, ბატონმა ბექა ქებულაძემ ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის N17-სხდომის დღის წესრიგის პროექტთან დაკავშირებით გამოაცხადა ღია კენჭისყრა.

ღია კენჭის ყრით ერთხმად, დაადგინეს.

დამტკიცდეს კომისიის სხდომის დღის წესრიგი წარმოდგენილი რედაქციით.

მოისმინეს:

დღის წესრიგის პირველი საკითხი- ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის განყოფილებების, 2023 წლის ბიუჯეტით გათვალისწინებული პროგრამების შესრულების თაობაზე, გაწეული სამუშაოს ანგარიშის მოსმენა.

(ანგარიში ოქმს თან ერთ ერთვის)

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარე, ბატონი ბექა ქებულაძე: გთხოვთ, უფრო დეტალურად წარმოგვიდგინოთ განყოფილებების მიხედვით, ინფორმაცია თქვენი საქმიანობისა და სამომავლო გეგმების შესახებ“.

კულტურის განყოფილების უფროსი ქალბატონი ელენორა გოგოლაშვილი: 2023 წლის 1 იანვრიდან სექტემბრის ჩათვლით კულტურის განყოფილება ახორციელებდა სხვადასხვა ხასიათის კულტურულ ღონისძიებებს, ფესტივალებს, საერთაშორისო კულტურულ აქტივობებს, კონკურსებს, გამოფენებსა და ფორუმებს, ასევე უზრუნველყოფდა სხვადასხვა ლიტერატურული ნაშრომების გამოცემასა და ქუთაისში მცხოვრები ნიჭიერი შემოქმედების მხარდაჭერას.

ლიტერატურის პოპულარიზაციის მიზით, კულტურის განყოფილება მნიშვნელოვნად უწყობს ხელს ქალაქში ლიტერატურის სფეროს განვითარებას, ინოვაციების მხარდაჭერას, ლიტერატურული ღონისძიებების ჩატარებას, ლიტერატურული ნაშრომების, წიგნების, ჟურნალების, ალმანახების გამოცემას, ახდენს ქალაქში მყოფი ახალგაზრდა მწერლების ხელშეწყობასა და საზოგადოებისთვის გაცნობას, თანამედროვე ქართული მწერლობის საუკეთესო ნიმუშების პოპულარიზაციას. ადგილობრივი ბიუჯეტის შესაბამისი მუხლიდან ურთიერთთანამშრომლობის მემორანდუმის ფარგლებში დაფინანსდა ჟურნალი „მწვანეყვავილა“ (5 ნომერი), გაზეთი „უქიმერიონი“ (8 ნომერი) და ჟურნალი „განთიადი“ (10 ნომერი). აღნიშნული გამოცემები დაფინანსდა ურთიერთთანამშრომლობის მემორანდუმების ფარგლებში რომელთა მიზანია ქ.ქუთაისში ლიტერატურული ცხოვრების განვითარება, ქალაქში მყოფი ახალგაზრდა მწერლების ხელშეწყობა, მათი პროფესიული დაოსტატება და საზოგადოებისთვის გაცნობა; თანამედროვე ქართული მწერლობის საუკეთესო ნიმუშების პოპულარიზაცია.

გამოიცა მწერალ ავთანდილ ყურაშვილის ხუთტომეული.

ქუთაისელი მხატვრების მხარდაჭერის პროგრამის ფარგლებში მემორანდუმის საშუალებით დაფინანსდა 1 პლენერი და 5 გამოფენა (სეზონური თუ იუბილარი მხატვრების), გამოიცა ერთი კატალოგი.

ქუთაისელი მწერლების, მხატვრებისა და თეატრალური მოღვაწეების საიუბილეო პროგრამის ფარგლებში ჯილდოს სახით გაიცა თანხა 5 მხატვარსა და 13 თეატრალურ მოღვაწეზე.

ჩატარდა „იმერეთის საერთაშორისო თეატრალური ფესტივალი 2023“, ურთიერთთანამშრომლობის მემორანდუმის ფარგლებში დაფინანსდა ფესტივალის სტუმართა სასტუმრო და კვებითი მომსახურების ხარჯი, ფასიანი საჩუქრები და ჟურნალის „თეატრალური ქუთაისი“ გამოცემა.

საკონცერტო ღონისძიებებისა და ფესტივალების ფარგლებში განხორციელდა 3 ღონისძიება: საბალეტო სპექტაკლი „ბეატრიჩე“, ახალგაზრდული კამერული ორკესტრის კონცერტი, დავით არჩვაძისა და კვარტეტის „ჰანგები“ კონცერტი.

თეატრალური კულტურის თვითმყოფადობის შენარჩუნების, თეატრალური ხელოვნების განვითარებისა და ინოვაციური პროექტების განხორციელების ხელშეწყობის მიზნით ქუთაისის ლ. მესხიშვილის სახელობის პროფესიულ სახელმწიფო დრამატულ თეატრს, მ. ბალანჩივაძის სახელობის ოპერისა და ბალეტის პროფესიულ სახელმწიფო თეატრს, ქუთაისის ნიღბებისა თეატრს, გამოეყო თანხა მემორანდუმის ფარგლებში ქუთაისის თეატრების ფუნქციონირების მხარდაჭერის ქვეპუნქტიდან.

ქალაქ ქუთაისში ქართული ხალხური ფოლკლორული ტრადიციების აღორძინების, ქართული ხალხური ფოლკლორის პროპაგანდისა და განვითარების მიზნით არასამეწარმეო არაკომერციული იურიდიული პირი ხანდაზმულთა ფოლკლორული ანსამბლი „ბერმუხა“ დაფინანსდა ყოველთვიური ხელფასით ურთიერთთანამშრომლობის მემორანდუმის ფარგლებში.

„ქუთაისქალაქობა 2023-ის“ ფარგლებში გაიმართა სხვადასხვა აქტივობები, მათ შორის თბილისის სიმფონიური ორკესტრისა და თბილისის ბიგ-ბენდის კონცერტები, საერთაშორისო ტურისტული ბაზრობა.

თანამედროვე ხელოვნების საერთაშორისო ფორუმი „ქარავან არტ ფორუმი ქუთაისი 2023“ მსოფლიოს სხვადასხვა ქვეყნებიდან მოწვეული მხატვრების, ფოტოხელოვანების, ხელოვნებათმცოდნეების და კურატორების მონაწილეობით (საქართველო, საფრანგეთი, გერმანია, ბელგია, პოლონეთი, ესტონეთი, ლიტვა, უკრაინა და საბერძნეთი).

საახალწლო-საშობაო ღონისძიებები 2023-ის ფარგლებში გაიცა 2600 საბავშვო ნობათი, განხორციელდა სხვადასხვა გასართობ-შემეცნებითი აქტივობები, კონცერტები, საშობაო ბაზრობა, თეატრალური წარმოდგენები ბავშვებისთვის, გაიმართა ალილოს მსვლელობა, შეგროვდა შემოწირულობები, რომლებიც გადაეცა მზრუნველობამოკლებულ მოხუცებს, ალსაზრდელებს და სხვადასხვა დაწესებულებების ბენეფიციარებს.

გახმოვანების აპარატურით მომსახურებით მოხდა 30-მდე ღონისძიების მხარდაჭერა.

არასამეწარმეო არაკომერციული იურიდიული პირი ქუთაისის სახელმწიფო სიმფონიური ორკესტრი დაფინანსდა ყოველთვიური ხელფასით მემორანდუმის საფუძველზე, რომლის მიზანია აღნიშნული ორკესტრის ფუნქციონირების ხელშეწყობა.

საერთაშორისო კონკურსებსა და ფესტივალებში გამარჯვებული ქუთაისელი მოსწავლეებისა და პედაგოგების დაჯილდოების ქვეპუნქტიდან ფულადი პრემია გაიცა 2 პირზე.

საერთაშორისო კონკურსებსა და ფესტივალებში მონაწილეობის მისაღებად ქუთაისელი მუსიკოს-შემსრულებლების ტრანსპორტირების ქვეპუნქტიდან დახმარება გაეწია 1 პირს.

გაიცა სტიპენდია ქუთაისში რეგისტრირებულ საქართველოს დამსახურებულ არტისტებსა და ქურუმებზე (სულ 10 პირი)

სტუმართა კვებითი და სასტუმრო მომსახურების ქვეპუნქტის ფარგლებში ფურშეტის ტიპის კვებითი მომსახურებით მხარდაჭერა განხორციელდა 3 ღონისძიების ფარგლებში.

ქუთაის-გაენათის ეპარქიას მემორანდუმის საშუალებით გაეწია ფინანსური მხარდაჭერა სხვადასხვა საჭიროებებისთვის.

ქუჩის მხატვრობის „სტრიტ არტის“ ფარგლებში 2023 წელს მოიხატა 4 ლოკაციაზე 6 კედელი.

ვინაიდან კულტურის განყოფილების მუშაობის მნიშვნელოვან მიმართულებას ქუთაისში მცხოვრები ნიჭიერი შემოქმედების ხელშეწყობა წარმოადგენს „გაუთვალისწინებელი ღონისძიებები/კულტურული ინიციატივების“ ადგილობრივი ბიუჯეტის მუხლიდან საანგარიშო პერიოდში დაფინანსდა: 1 სანოტო კრებული, 1 წიგნი, დაფინანსდა 1 დოკუმენტური ფილმის გადაღება ურთიერთშეთანხმების მემორანდუმის ფარგლებში, 1 სატელევიზიო პროექტი, სხვადასხვა კულტურული ინიციატივისთვის ფინანსური დახმარება გაეწია 12 პირს, გაიხსნა ქუთაისის სიმღერისა და ცეკვის სახელმწიფო აკადემიური ანსამბლის ვარსკვლავი, განხორციელდა თეატრალურ-მუსიკალური პროექტი „ქართული თეატრის ამბავი ანუ...“.

ა ზ რ ი გ ა მ ო თ ქ ვ ე ს, დაისვა შეკითხვები, გაკეთდა განმარტებები:

ბატონი მიხეილ გიორგაძე: „ მივესალმები ახალგაზრდულ საბჭოს, ერთ-ერთი ჩემი სკოლის მოსწავლეა, მინდა წარმატებები გისურვოთ, ერთად ბევრ კარგ საქმეს გავაკეთებთ, თქვენი აზრი ჩვენთვის მნიშვნელოვანია. მადლობა ამ აქტიურობისთვის“.

ბატონი ირაკლი შენგელია: „პირველ რიგში დიდი მადლობა, კითხვები არ მაქვს. რომელი მუხლებია ისეთი, რომლებიც არ ან ვერ დაფინანსდა, ან გადაიწია ვადებში.“

ქალბატონი ელენორა გოგოლაშვილი: „ ერთ-ერთი არის ლიტერატურული ფესტივალი, რომლის განხორციელებას ხელი შეუშალა იმ ფაქტმა, რომ მწერალთა სახლის დირექტორი გადადგა თანამდებობიდან, შეიცვალა ხელმძღვანელი და ვერ მოხერხდა პროექტის განხორციელება“.

ბატონი ირაკლი შენგელია: „სხვა ნაწილში ათვისებულია ბიუჯეტი?“

ქალბატონი ელენორა გოგოლაშვილი: „ ჩვენ ვფიქრობთ, 99 %-ით მოვახერხებთ, ბიუჯეტის ათვისებას“.

ბატონი ირაკლი შენგელია: „ გაუთვალისწინებელი ღონისძიებების ნაწილში საკმაოდ დიდი იყო დატვირთვა, როგორ ფიქრობთ გავზარდოთ ეს თანხა, თუ როგორია თქვენი ხედვა?“

ქალბატონი ელეონორა გოგოლაშვილი : „ ყოველ წელიწადს, როგორც იკვეთება ვიდრე ვგეგმავთ ხოლმე გაუთვალისწინებელში ხარჯს, იმაზე მეტია საჭირო, იმიტომ რომ წლის მანძილზე შემოდის გაუთვალისწინებელი ინიციატივები. როცა დავიწყებთ 2024 წლის ბიუჯეტზე მუშაობას, ვფიქრობთ, ყოველ ღონისძიებას დაერქვას თავისი სახელი და ნაკლებად დავტვირთოთ გაუთვალისწინებელი ღონისძიებების ხარჯით“.

საკითხთან დაკავშირებით დებატები შეწყდა.

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარემ ბატონმა ბექა ქებულაძემ აღნიშნულ საკითხთან დაკავშირებით გამოაცხადა ღია კენჭისყრის დაწყება.

ღია კენჭისყრით, ერთხმად და ა ა დ გ ი ნ ე ს:

ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის, კულტურის განყოფილების, 2023 წლის ბიუჯეტით გათვალისწინებული პროგრამების შესრულების თაობაზე, გაწეული სამუშაოს ანგარიში, შეფასდეს დადებითად.

ბატონი ბექა ქებულაძე: გთხოვთ, ქალბატონო სალომე წარმოგვიდგინოთ განათლების განყოფილების ანგარიში საქმიანობისა და სამომავლო გეგმების შესახებ.

განათლების განყოფილების მოვალეობის შემსრულებელი სალომე ფუტკარაძე: მოგახსენებთ, რომ 2023 წლის განათლების ღონისძიებების პროგრამის ბიუჯეტი განისაზღვრება 253 000 /ორას ორმოცდა ცამეტი ათასი/ ლარით.

ქართული ენის დღის ფარგლებში ქუთაისის ისტორიულ-ეთნოგრაფიულ მუზეუმში მოეწყო კალიგრაფიის კონკურსში გამარჯვებულთა დაჯილდოება, დაჯილდოვდა პირველ მეორე და მესამე ადგილზე გასული სამი მოსწავლე და სამი პედაგოგი. მოეწყო გამოიფინა ბოდი ფონტისა და საქართველოს ხელნაწერთა ფონდში დაცული კალიგრაფიის საუკეთესო ნამუშევრები. ნუგეშა გაგნიძის საჯარო ლექცია თემაზე „გრიგოლ რობაქიძის ლირიკა“.

ქვეპუნქტიდან „საერთაშორისო კონფერენციებზე, კონკურსებზე, კონგრესებზე, ოლიმპიადებსა და ფესტივალებზე ქუთაისელი პროფესორ მასწავლებლების, სტუდენტთა და მოსწავლეთა დაფინანსება“ ფინანსური დახმარება გაეწია 6 მოქალაქესა და სიდეს საერთაშორისო ფესტივალზე გასამგზავრებლად ქუთაისის# 31 საჯარო სკოლის მოსწავლეთა თეატრალურ დასს.

2023 წლის 18 მაისს მუზეუმის საერთაშორისო დღის ფარგლებში ქუთაისის ისტორიულ-ეთნოგრაფიულ მუზეუმში მოეწყო ქალაქ ქუთაისის მუზეუმების წარმატებულ და ღვაწლმოსილ თანამშრომლების დაჯილდოების ღონისძიება. სულ დაჯილდოვდა ქუთაისის მუზეუმების 20 საუკეთესო თანამშრომელი.

2023 წლის მასის თვეში მოეწყო ინტელექტუალური კონკურსი, რომელშიც მონაწილეობდა ქუთაისის 26 სკოლის გუნდი. ინტელექტუალური კონკურსი ჩატარდა როგორც ბრენ-რინგის, ასევე ჯეპარდის მიმართულებით. პირველი ადგილი დაიკავა #12 საჯარო სკოლის გუნდმა. ორგანიზება უზრუნველყო შ.პ.ს „ვიციმ“.

მიმდინარე წლის 1, 2 და 3 ივნისს ბავშვთა დაცვის საერთაშორისო დღის ფარგლებში ქუთაისის ბ. გაბაშვილის სახელობის კულტურისა და დასვენების პარკში უფასო ატრაქციონებით მოემსახურნენ ბავშვებს.

გაუთვალისწინებელი ღონისძიებების ქვეპუნქტიდან:

2023 წლის ივნისის თვეში მოეწყო საერთაშორისო კონფერენცია „ენა და კულტურა“ თანდაფინანსებით გაფორმებული ურთიერთშეთანხმების მემორანდუმის ფარგლებში.

21 ივნისს „კინგის საქართველოსა“ და „აღმოსავლეთ ევროპის უნივერსიტეტის“ ორგანიზებით, იმერეთის მასშტაბით მოეწყო ინტელექტის ოლიმპიადის მოსწავლეებს შორის, ოლიმპიადის გამარჯვებულ მოსწავლეებს ჩაერიცხათ ფულადი ჯილდო.

დაფინანსდა ქუთაისის საჯარო და კერძო სკოლების სამეწარმეო ფესტივალზე გამგზავრება.

ქვეპუნქტიდან გაუთვალისწინებელი ღონისძიებები დაფინანსდა შვიდი სტუდენტის გამგზავრება საზღვარგარეთ სასწავლებლად

23 ივნისს მოეწყო „მოსწავლეთა შემოქმედებითი ოლიმპიადის“ ჟანრებში ქართული ესტრადის, ხალხური სიმღერის, ზეპირსიტყვიერების, სახვითი და გამოყენებითი ხელოვნების“ ოლიმპიადის მონაწილეობა მიიღო ქალაქ ქუთაისის 25 საჯარო სკოლის ასამდე მოსწავლემ, გამარჯვებულებს გადაეცათ ოლიმპიადის სპეციალური პრიზები და ფულადი ჯილდო.

2023 წლის 1 აგვისტოდან 17 აგვისტომდე მოეწყო საზაფხულო ბანაკი დაბა ბაკურინში საჯარო სკოლების VIII-IX-X კლასების წარმატებულ მოსწავლეთათვის. საგანმანათლებლო ბანაკში მონაწილეობა მიიღო 120 მა მოსწავლემ.

ა ზ რ ი გ ა მ ო თ ქ ე ე ს, დაისვა შეკითხვები, გაკეთდა განმარტებები:

ბატონი ირაკლი შენგელია: „რომელი მუხლია მიმდინარე ბიუჯეტში, რომელიც ვერ შესრულდა?“

ქალბატონი სალომე ფუტკარაძე: „ახალი სასწავლო წლისადმი მიძღვნილი კონცერტი ვერ ჩატარდა, გურიაში მომხდარი სტიქიის გამო, უნდა გამართულიყო 15 სექტემბერს, სწავლის დაწყების პარალელურად“.

საკითხთან დაკავშირებით დებატები შეწყდა.

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარემ ბატონმა ბექა ქებულაძემ აღნიშნულ საკითხთან დაკავშირებით გამოაცხადა ღია კენჭისყრის დაწყება.

ღია კენჭისყრით, ერთხმად და ა ა დ გ ი ნ ე ს:

ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის, განათლების განყოფილების, 2023 წლის ბიუჯეტით გათვალისწინებული პროგრამების შესრულების თაობაზე, გაწეული სამუშაოს ანგარიში, შეფასდეს დადებითად.

ბატონი ბექა ქებულაძე: გთხოვთ, ქალბატონო ლანა წარმოგვიდგინოთ განათლების განყოფილების ანგარიში საქმიანობისა და სამომავლო გეგმების შესახებ.

ქალბატონი ლანა სვანიძე: 2023 წელის სპორტის დაზუსტებული პროგრამული ბიუჯეტი შეადგენს 1 743 300 ლარს

1. ადგილობრივი თვითმმართველობა ყოველწლიურად სპორტსმენების საზეიმო მიღებას მასპინძლობს, რომელიც გულისხობს წარმატებული სპორტსმენებისათვის სპორტის სხვადასხვა სახეობაში სიმბოლური საჩუქრების გადაცემას - აღნიშნულისთვის მიმდინარე წელს გამოიყო 14 690 ლარი.
2. პროგრამული ბიუჯეტის რაგბების ხელშეწყობის მუხლიდან, ქუთაისში მოქმედ 4 რაგბის კლუბს (რაგბის კლუბი „აია“, რაგბის კლუბი „არესი“, რაგბის კლუბი „ბაგრატი“, ქალთა რაგბი) გამოეყო თანხა 877 000 ლარი.
3. ქალაქ ქუთაისის მუნიციპალიტეტის მერის ბრძანებით ქუთაისელი ოლიმპიური ჩემპიონების სტიპენდია ერიცხება ქუთაისელ სპორტსმენს ირაკლი ცირეკიძეს - წლის განმავლობაში ყოველთვიურად- 1 500 ლარის ოდენობით, მიმდინარე პერიოდში გადარიცხულია 13 500 ლარი.
4. საქართველოს ჩემპიონის, ევროპისა და მსოფლიო ჩემპიონატებზე გამარჯვებული (პრიზიორი) სპორტსმენების, გამარჯვებული ვეტერანი სპორტსმენებისა და მწვრთნელთა ფულადი ჯილდოს გაცემის ფარგლებში მიმდინარე წელს ფულადი ჯილდო გაიცა 44 სპორტსმენზე და მათ მწვრთნელზე, 44 650 ლარის ოდენობით.
5. ქვეპუნქტიდან „სპორტსმენების საიუბილეო თარიღებთან დაკავშირებით ფულადი ჯილდოს გაცემა“ საიუბილეო ღონისძიების აღნიშვნასთან დაკავშირებით ფულადი ჯილდო გადაეცა 8 დამსახურებულ სპორტსმენს, თანხა ჯამში შეადგენს 4 125 ლარს
6. ააიპ ქ.ქუთაისში მოღვაწე საქართველოს სპორტის დამსახურებული მწვრთნელის მოღვაწის/მუშაკის წოდების მქონე პირთა ყოველთვიური ფულადი ჯილდო - იანვარში გაიცემოდა 81 პირზე; ხოლო მომდევნო თვეებში 80 პირზე - ყოველთვიურად 100 ლარის ოდენობით, მიმდინარე პერიოდში სულ გადარიცხული იქნა - 72 100 ლარი
7. სპორტის რაინდის სტიპენდია ერიცხება რაინდის წოდების მქონე ერთ ქუთაისელ სპორტსმენს - თეიმურაზ აფხაზვას, ყოველთვიურად 500 ლარის ოდენობით, იანვრიდან სექტემბრის ჩათვლით სულ გადარიცხულია 4 500 ლარი.

8. მსოფლიო, ევროპისა და საქართველოს ჩემპიონატებზე მიღწეული წარმატებული შედეგების გათვალისწინებით წლის მანძილზე გამოვლენილი 35 წარმატებული ქუთაისელი სპორტსმენი იღებს ყოველთვიურ ჯილდოს, ყოველთვიურად 9860 ლარის ოდენობით, ამ ეტაპზე გადარიცხულია 88 740 ლარი.
9. მსოფლიო და ევროპის ჩემპიონატებზე ქუთაისელი სპორტსმენებისა და მწვრთნელების ტრანსპორტირების დაფინანსების პროგრამიდან, მსოფლიო და ევროპის ჩემპიონატებზე გასამგზავრებლად იანვარი-სექტემბერი თვის მანძილზე ფინანსური დახმარება გაეწია 14 სპორტსმენს, ფინანსური დახმარების ოდენობამ ჯამში შეადგინა - 31 055 ლარი
10. ქუთაისელი სპორტსმენებისა და მწვრთნელების ქვეყნის ფარგლებს გარეთ ტურნირებზე გასამგზავრებლად ფინანსური დახმარება გაეწია ოთხ გუნდსა და ერთ სპორტსმენს ფინანსურმა დახმარებამ ჯამში შეადგინა 24 471 ლარი
11. ა(ა)იპ ქუთაისი ოლიმპიური კომიტეტს გადაირიცხა 5950 ლარი, რომლის საქმიანობის მიზანს წარმოადგენს - ოლიმპიური იდეალებისა და ფასეულობების გავრცელება და განმტკიცება და ასევე ორგანიზება გაუკეთოს შეჯიბრებებს, შეხვედრებს და სხვა სახის ღონისძიებებს.
12. შშმ პირთა ტურნირებში მონაწილეობის მხარდაჭერის პროგრამიდან მიმდინარე წელს გახარჯულია 16 370 ლარი. მ/წლის 16 იანვრიდან 30 სექტემბრის ჩათვლით ქალაქ ქუთაისის მუნიციპალიტეტის ტერიტორიაზე მცხოვრები 60 შშმ სტატუსის მქონე პირის - ქალის და კაცის, ასევე, სამშვიდობო მისიებში დაჭრილი ჯარისკაცებისა და ომის ვეტერანების ჩართულობა სპორტულ-კულტურულ აქტივობებში, პროფესიონალი ინსტრუქტორებისა და პერსონალური ასისტენტების დახმარებით, უზრუნველყო ორგანიზაცია „ახალგაზრდული მედია-კავშირმა“
13. გაუთვალისწინებელი ღონისძიებებიდან დაფინანსდა 6 სპორტული აქტივობა, რომელთა საერთო ღირებულებამ შეადგინა 104 080 ლარი
14. 10 მარტს გაიმართა გოჩა ქვარიანის სახელობის ტურნირის შშმ პირთა შორის ნარდსა და შაშში, თანხა ტურნირისთვის შეადგენს 2700 ლარს.
15. სასკოლო სპორტული ოლიმპიადა რომელშიც მონაწილეობს 1500 მდე ახალგაზრდა ქუთაისის 40 საჯარო და კერძო სკოლიდან, მიმდინარე ეტაპზე გადარიცხულია 16 605.5 ლარი.
16. 7-11 ივნისს, მსოფლიო ჩემპიონის აკაკი კაკაურიძის ხსოვნისადმი მიძღვნილი საერთაშორისო ტურნირი გაიმართა კრივში, რომელშიც მონაწილეობას იღებდნენ სპორტსმენები 5 სხვადასხვა ქვეყნიდან - ტურნირის ღირებულება შეადგენს - 20 000

ლარს.

17. მიმდინარე წლის 2 მაისს ჩატარდა „კოლია ქვარიანის სახელობის ტურნირი ქართულ ჭიდაობაში“, ტურნირის ღირებულება შეადგენს 4500 ლარს, ხოლო 1500 ლარი შეადგენ გამარჯვებულთათვის საპრიზო ფონდს. ტურნირის ღირებულებამ ჯამში შეადგინა 6 000 ლარი.
18. 28-30 ივლისს სს „ელექტროქსელშენის“ გენერალურმა დირექტორმა სოსო ჭანტურიამ უზრუნველყო ჩოგბურთის ტურნირის „ქუთაისის თასი“ ჩატარების ორგანიზება - ღირებულება შეადგენს 3320 სატენდერო, ხოლო 2600 ლარი შეადგენ გამარჯვებულთათვის საპრიზო ფონდს (ჩატარდა საქართველოს მაშტაბით მონაწილეობა მიიღო 79 სპორტსმენმა) ტურნირის ღირებულებამ ჯამში შეადგინა 5920 ლარი.
19. მიმდინარე წელს ქალაქ ქუთაისის მუნიციპალიტეტმა, საქართველოს პარლამენტთან ერთად, გაეროს განვითარების პროგრამის (UNDP) ფინანსური მხარაჭერით შეიმუშავა სპორტის განვითარების კონცეფცია. ადგილობრივი თვითმმართველობა უზრუნველყოფს სპორტის იმგვარი პოლიტიკის დაგეგმვასა და განხორციელებას, რომელიც ემსახურება ინკლუზიური ადგილობრივი საზოგადოების გაძლიერებას, მის კეთილდღეობასა და სოციალურ-ეკონომიკურ განვითარებას. კონცეფციის სტრატეგიული პრიორიტეტები და მიზნები განისაზღვრა დაინტერესებულ მხარეებთან გამართული კონსულტაციების, ჩატარებული თვისებრივი და რაოდენობრივი კვლევების, აგრეთვე ქალაქ ქუთაისის მუნიციპალიტეტის ადგილობრივი თვითმმართველობის მონაწილეობით გამართული სამუშაო შეხვედრების შედეგების გათვალისწინებით. ქალაქ ქუთაისის სპორტის პოლიტიკის სხვადასხვა ასპექტის სიღრმისეული ანალიზი, საბაზისო მონაცემები, პოლიტიკის სუსტი და ძლიერი მხარეები, რისკები და შესაძლებლობები, აგრეთვე პოლიტიკის გაუმჯობესების ძირითადი მიმართულებები წარმოდგენილია 2023 წელს მომზადებული კვლევის ანგარიშში „ქუთაისის სპორტის პოლიტიკის ანალიზი“.

რაც შეეხება ახალგაზრდულ მიმართულებებს, პროგრამული ბიუჯეტი გახლავთ 360 000 /სამას სამოცი ათასი/ ლარს. მიმდინარე წლის მაისი-აგვისტოში განხორციელდა პროექტი „სოციალური პლატფორმა სტარტაპერებისთვის“, პროექტი გულისხმობს სტარტაპერებისათვის ბიზნესის განვითარების ხელშეწყობასა და ერთმანეთთან ეფექტური კომუნიკაციის უზრუნველყოფას. თანხა პროექტისთვის შეადგენს - 9 996 ლარს.

მიმდინარე წლის აპრილი-სექტემბერში განხორციელდა პროექტი, „საზაფხულო კინო სკოლა ქუთაისელი ახალგაზრდებისათვის“, საზაფხულო კინოსკოლის მიზანია მოსწავლე-ახალგაზრდობის დაინტერესება კინოხელოვნებით. კინოსკოლაში გაერთანებული მოსწავლე-ახალგაზრდების მიერ 25 დღის განმავლობაში გადაღებულ იქნა 10 მოკლემეტრაჟიანი ფილმი. თანხა პროექტისთვის შეადგენს - 12 000 ლარს.

მიმდინარე წლის ივლისში განხორციელდა პროექტი „სამოქალაქო თავდაცვა და სიმულაციური სწავლება“, პროექტი გულისხმობს შემდეგს, რომ ქალაქ ქუთაისში შეიქმნას ტრადიცია იმიტირებული საბრძოლო სპორტის, როგორცაა ფეინთბოლი და ეარსოფტი, ასევე მოხდეს ჩემპიონატის ყოველწლიური ორგანიზება, რათა მოხდეს სპორტის ამ სახეობების პოპულარიზაცია რომლებიც ახალგაზრდებს მისცემს გართობის, განთვირთვის და სპორტული აქტივობებით დაკავების მეტ შესაძლებლობას. პროექტისთვის გამოყოფილი თანხა შეადგენს - 13 864 ლარს.

პროექტი „ახალგაზრდები მშვიდობიანი თანაცხოვრებისთვის“ განხორციელდა მიმდინარე წელს აპრილი - აგვისტოში, პროექტის მიზანი იყო: ქუთაისში მცხოვრები ახალგაზრდებისთვის უსაფრთხო და ჯანსაღი გარემოს შექმნის ხელშეწყობა; ახალგაზრდების ცნობიერების ამაღლება კონფლიქტზე და მათი არაძალადობრივი გზით მოგვარების ტექნიკებსა და საშუალებებზე; ახალგაზრდების მოტივირება ღიად ისაუბრონ კონფლიქტურ სიტუაციებზე და კვალიფიციური ფსიქოლოგისგან მიიღონ პასუხები მათთვის მნიშვნელოვან თემებზე. პროექტისთვის გამოყოფილი თანხა შეადგენს - 9 590 ლარს.

მიმდინარე წლის მაისი-სექტემბერში განხორციელდა პროექტი „ციფრული კომპეტენციების განვითარება ახალგაზრდებში“ პროექტის მიზანია: ქ. ქუთაისში მცხოვრები 14-29 წლამდე ახალგაზრდების ტექნოლოგიური და არაფორმალური განათლების ძირითადი კომპეტენციების გაძლიერების ხელშეწყობა, ახალგაზრდებს შესძინოს ბიზნესისა და ორგანიზაციებისთვის ეფექტური ციფრული მარკეტინგის სტრატეგიების შემუშავებისა და განხორციელებისა და ასევე პაითონის პროგრამირების გამოყენების უნარი. პროექტისთვის გამოყოფილი თანხა შეადგენს - 13 755 ლარს.

მ/წ 20 სექტემბერს განხორციელდა პროექტი „გასტრონომიული ფესტივალი და ადგილობრივი მუსიკოსების საღამო“ ფესტივალის მიზანია გასტრონომიული ტურიზმის განვითარება, ჯანსაღი სოციალურ-კულტურული გარემოს შექმნა, ფესტივალის ფარგლებში სტუმრებს ქონდათ შესაძლებლობა ერთ სივრცეში დაეგემოვნებინათ კერძები თუ სასმელი, მოესმინათ სასიამოვნო მუსიკისთვის და დაეთვალთვინებინათ ადგილობრივი მეწარმეების გამოფენა. ასევე პროექტის მიზანია მოხდეს ადგილობრივი კომპანიების პოპულარიზაცია, რომლებიც მოღვაწეობენ კვების ინდუსტრიაში ან/და აწარმოებენ ქართულ ღვინოს. პროექტისთვის გამოყოფილი თანხა შეადგენს - 14 050 ლარს.

პროექტი „გააუმჯობესე შენი მომავალი“ განხორციელდა მაისი-აგვისტოში, პროექტის ფარგლებში, ქუთაისში მცხოვრებ 18-29 წლის ასაკის 20 სტუდენტს, სხვადასხვა სოციალური მდგომარეობის, სტატუსის, შესაძლებლობების და გამოცდილების მქონეს ჰქონდა შესაძლებლობა განეითარებინა სამეწარმეო საქმიანობის დაგეგმვისა და განხორციელებისთვის საჭირო კომპეტენციები. პროექტისთვის გამოყოფილი თანხა შეადგენს - 9 972 ლარს.

მიმდინარე წლის მაისიდან ხორციელდება პროექტი „ახალგაზრდების ინფორმირებულობა ჩართულობის გზით“, პროექტის ფარგლებში მოხდა „საშემოდგო სკოლის“ მსმენელების შერჩევა, ლექციების დაწყება, სამაგიდე თამაშის ბეჭდვა და შეთავაზება/თამაში სკოლის მოსწავლეებისთვის; საინფორმაციო შეხვედრები სკოლის მოსწავლეებთან. პროექტის ფარგლებში ასევე, დაგეგმილია „საშემოდგომო სკოლის“ მსმენელების ვიზიტი საინფორმაციო ცენტრის ოფისში და შეხვედრა

საგარეო საქმეთა სამინისტროს ევროინტეგრაციის და ნატოს დეპარტამენტის ხელმძღვანელებთან. მიმდინარე პერიოდში პროექტისთვის გადარიცხულია 7 640 ლარი.

პროექტი „შეზღუდული შესაძლებლობის მქონე პირის პერსონალური ასისტენტების მომზადება და სერვისის პილოტირება ქუთაისის მუნიციპალიტეტში“ მიმდინარეობს აპრილის თვიდან, პროექტი მიზნად ისახავს ქუთაისის მუნიციპალიტეტში მცხოვრებ ახალგაზრდებში პერსონალური ასისტენტის სერვისის პოპულარიზაციას, დაინტერესებული ახალგაზრდების პერსონალური ასისტენტის სერვისის მიმწოდებლებად გადამზადებას და მათთვის პრაქტიკული გამოცდილების მიცემას პროფესიონალი მენტორების მხარდაჭერით. ამ ეტაპზე გადარიცხულია 7 450 ლარს.

პროექტი „ზამთრის ლიდერთა სკოლა“ განხორციელდა მ/წ თებერვალი-მარტი თვის პერიოდში, 10 დღის მანძილზე, 2 ნაკადად დაბა ბაკურიანში, 14-29 წლამდე, 80-მდე ქუთაისელი ახალგაზრდისათვის, სკოლის ორგანიზება განახორციელა შპს „პრიმა ჯგუფი 2010“ . პროგრამისთვის გამოყოფილი თანხა შეადგენს 27 320 ლარს.

როკ მუსიკის ფესტივალი „Rockaia“ - ქალაქ ქუთაისში მუხნარის ტყე-პარკში ჩატარდა როკ მუსიკის ფესტივალი პოპულარული ქართული მუსიკალური ჯგუფების მონაწილეობით (ჯგუფი „რეგიონი“ ი/მ ლაშა ნოზაძე- ჯგუფი SKAZZ ი/მ საბა ვაშაყმაძე ი/მ კონსტანტინე ანტელავა, პანიკა, ჯგუფი „არა“ ზურაბ ჯავახია ი/მ ბადრი ჯიქიძე ი/მ დავით მანჩხაშვილი) ღონისძიებას დაესწრო 10 000-მდე ადამიანი, ფესტივალისთვის გამოყოფილა თანხა შეადგენს 30 000 ლარს.

მიმდინარე წლის აგვისტო-სექტემბერი თვის პერიოდში განხორციელდა „ზაფხულის ლიდერთა სკოლა“, „ზაფხულის ლიდერთა სკოლა 10 დღის მანძილზე მიმდინარეობდა, 2 ნაკადად დაბა ბაკურიანში, სხვადასხვა თემატიკის ტრენინგები ჩატარდა 14-29 წლამდე, 80-მდე ქუთაისელი ახალგაზრდისათვის, სკოლის ორგანიზება განახორციელა შ.პ.ს „ჯ.ბ. კაპიტალმა“, თანხა გამოიყო 29 100 ლარის ოდენობით.

გაუთვალისწინებელი ღონისძიებების ქვეპუნქტიდან მიმდინარე წლის იანვარი- სექტემბრის თვის ჩათვლით, ქუთაისელი ახალგაზრდებისათვის დაფინანსდა 6 აქტივობა, ჯამში ფინანსური დახმარება გაეწია 40-მდე ახალგაზრდას, მათ დაუფინანსდათ მონაწილეობა სხვადასხვა პროექტებში, პროგრამიდან გახარჯული თანხის ოდენობა შეადგენს 13 355 ლარს.

ახალგაზრდული ფესტივალი ჩატარდა მ/წ 20 სექტემბერს, რომელიც გულისხმობდა ყველა იმ კომპონენტის ჩართულობას, რაც ახალგაზრდებს გაუზრდის ინფორმირებულობას განივითაროს დასაქმების/შემეცნების/გართობის შესაძლებლობები ლოკალურ დონეზე და არა მარტო. ფესტივალის ფარგლებში გარდა სხვადასხვა ღონისძიებისა, ჩატარდა კონცერტი მუსიკალური ბენდების მონაწილეობით, მყურებელთა რიცხვმა დაახლოებით შეადგინა 10 000, ფესტივალში ჩართული იყო 120 ქუთაისელი მოხალისე. ფესტივალისთვის გამოყოფილა თანხა შეადგენს 20 000 ლარს.

საერთაშორისო პროექტებსა და კონფერენციებში ქუთაისელი ახალგაზრდების მონაწილეობის მხარდაჭერის მიზნით მიმდინარე წელს ისარგებლა ერთმა სტუდენტმა, გადარიცხული თანხა შეადგენს 420 ლარს.

ბატონი ირაკლი შენგელია: „პროგრამულ ბიუჯეტში იცნობთ თუ არა სტატისტიკას, შშმ პირების ნაწილში, რამდენი ქალი და რამდენი მამაკაცი მონაწილეობს?“

ქალბატონი ლანა სვანიძე: „სპორტის განვითარების კონცეფციაში, ზუსტად ამ მიმართულებაზე გვქონდა საუბარი, რომ უნდა იყოს პროგრამულ ბიუჯეტში გაზრდილი ქალთა წილი. როგორც ტურნირებში, ასევე შშმ ქალ პირებს უნდა მიეცეთ საშუალება, ჩაერთონ რაც შეიზლება მეტ ტურნირში. საკრებულოზე წარმოდგენილი და დამტკიცებული კონცეფცია, ჩვენ მოგვცემს იმის საშუალებას, რომ პროგრამულ ბიუჯეტში ავსახოთ გაცილებით უფრო მეტად ქალების წილი და შესაბამისად თანხებიც იყოს გაზრდილი“.

ქალბატონი მარეხი ნიჟარაძე: „მადლობა თქვენი საქმიანობისთვის, ქალაქისთვის მთავარია მაქსიმალურად ახალგაზრდების გააქტიურება და ჩართულობა. ეს არის ჩვენი ქალაქი მომავალი.“

საკითხთან დაკავშირებით დებატები შეწყდა.

ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის თავმჯდომარემ ბატონმა ბექა ქებულაძემ აღნიშნულ საკითხთან დაკავშირებით გამოაცხადა ღია კენჭისყრის დაწყება.

ღია კენჭისყრით, ერთხმად და ა ა დ გ ი ნ ე ს:

ქალაქ ქუთაისის მუნიციპალიტეტის მერიის პირველადი სტრუქტურული ერთეულის კულტურის, სპორტის, განათლებისა და ახალგაზრდობის საქმეთა სამსახურის, სპორტისა და ახალგაზრდობის საქმეთა განყოფილების, 2023 წლის ბიუჯეტით გათვალისწინებული პროგრამების შესრულების თაობაზე, გაწეული სამუშაოს ანგარიში, შეფასდეს დადებითად.

ამით კულტურის, განათლების, ახალგაზრდობის საქმეთა და სპორტის კომისიის სხდომა დასრულდა.

ქალაქ ქუთაისის მუნიციპალიტეტის საკრებულოს
კულტურის, განათლების, ახალგაზრდობის
საქმეთა და სპორტის კომისიის თავმჯდომარე

ბექა ქებულაძე

